

COMUNE DE BONOLVA

Bonolva, 10.03.2026

(Provìntzia de Tàtari)

Pra.tza Santa Maria n° 27 – CAP 07012 - 079/867894 Fax 079/866630

e-mail: sociale@comune.bonolva.ss.it

AVISU PÙBLICU PRO S'ASSEGNAZIONE DE SU CONTRIBUTU “ASSIGNU DE NÀSCHIDA” annu 2026

SA RESPONSÀBILE DE SU SETORE SÒTZIU ASSISTENTZIALE FAGHET ISCHIRE CHI

BIDA sa Delib.G.R. n. 30/52 de su 5.06.2025 chi cabet “Dispositziones in matèria de cuntrastu a sa minimadura de sa populatzione. Lìneas guida pro sa cuntzessione de contributos pro omni figiu nàschidu, adotadu o in afidu in antis de s’adotzione a favore de nùcleos familliares chi ant sa residèntzia o la trasferint in comunes cun populatzione inferiore a 5.000 abitanter. Lege regionale de su 9 de martzu de su 2022, n. 3, art. 13, comma 2, lit. a) - Lege regionale de s’8 de maju de su 2025, n. 12”;

BIDU s’allegadu a sa Delib.G.R. n. 30/52 de su 5.6.2025 chi cabet “Lìneas guida pro sa cuntzessione de contributos pro omni figiu nàschidu, adotadu o in afidu in antis de s’adotzione durante su 2025 a s'ghire, a favore de nùcleos de famillias chi ant sa residèntzia o la trasferint in Comunes cun populatzione inferiore a 5.000 abitanter”;

BIDA sa Determinatzione de sa Responsàbile de su Setore Sòtziu Assistenziale n. 249 de su 10.03.2026 chi at pro ogetu: “L.R. 3/2022 ART. 13, COMMA 2, LÌT. A) E D.G.R. N. 30/52 DE SU 05.06.2025. ASSIGNU DE NÀSCHIDA. *Aprovatzione avisu pùblicu e mòdulu pro sa presentatzione de sa dimanda, annu 2026*”

FAGHET ISCHIRE CHI

Sunt abertos sos tèrmines pro sa presentatzione de sas dimandas pro sa cuntzessione de su contributu “Assignu de nàschida” de su cale a sa Delib.G.R. n. 30/52 de su 5.06.2025, pro sos nàschidos, adotados o in afidu in antis de s’adotzione in s’annu 2026.

1. Ogetu de s’Avisu

Sa mesura previdit sa cuntzessione de contributos suta forma de assignos mensiles, a favore de nùcleos familliares chi ant sa residèntzia o la trasferint in sos comunes chi, a sa data de su 31 de nadale de su 2022, contaian una populatzione inferiore a 5.000 abitanter.

Su contributu est prevididu pro omni figiu nàschidu, adotadu o in afidu in antis de s'adotzione durante su 2024 in sos annos imbenientes, finas a chi su pitzinnu no lompet chimbe annos de edade.

1. Destinàrios e requisidos de ammissione a su contributu

Podent presentare dimanda sas famillias, puru cun solu babbu o solu mama, chi satisfaghent umpare sos critèrios chi sighint:

- apant àpidu unu figiu nàschidu, adotadu o dadu in afidu in antis de s'adotzione a decurrere dae su 01.01.2024;
- apant trasferidu sa residèntzia dae unu Comune cun popolazione superiore a unu cun popolazione inferiore a sos 5.000 abitanes in s'annu de nàschida de su figiu;
- s'impinent a mantènnere sa residèntzia in su Comune de Bonolva pro a su mancus chimbe annos sighidos, pro non pèrdere su giuamentu;
- a su mancus su babbu o sa mama apant sa residèntzia e bivat cun su minore;
- no istent in allògios pùblicos sena nd'ère deretu;
- siant proprietàrios o apant a manera legìtima (p.es. in afitu, comodatu o àteros tìtulos ecuivalentes) de un'immòbile impitadu comente domo a manera abituale in su Comune de residèntzia noa pro totu su perìodu de gosamentu de su benefìtziu;
- esèrtzitent responsabilidade de babbu o mama o tutela legale;
- siant tzitadinos italianos, de s'Unione euròpea o de àteros Paisos in possessu de permissu de soggiorno regolare in su territòriu natzionale.

Chie at àpidu su contributu in s'annu 2024 e in s'annu 2025 non devent presentare torra dimanda pro su 2026; at a èssere contivìgiu de s'ente averiguare de ufitziu su possessu de sos requisidos declarados e protzèdere e dare su chi ispetat, posca de àere retzidu dae sa Regione Sàrdigna sas resursas finantziàrias.

1. Tèrmines e modalidades de presentazione de sas dimandas

Sa dimanda at a pòdere èssere presentada:

- dae su babbu o mama chi esèrtzitat sa responsabilidade de babbu e de mama;
- dae s'afidatàriu in casu de afidamentu in antis de s'adotzione;
- dae su rapresentante legale de su babbu o mama, in casu de babbu o mama chi no apat lòmpidu sos 18 annos o est isentu;
- dae su tutore autorizadu dae s'Autoridade Giudiziària a incasciare su dinari a favore de sos minores. Su babbu o mama chi at presentadu rechesta, informadu s'àteru, at a dèvere declarare de àere fatu sa rechesta in osservàntzia de sas dispositziones subra de sa responsabilidade de su babbu e de sa mama.

Sa dimanda at a dèvere èssere presentada a su Comune de residèntzia o de residèntzia noa cunforma a sas modalidades e a sos tèrmines prevididos dae custu avisu.

1. Mesura e atribuzione de su contributu

Sa misura cheret dare impèllida a sas nàschidas in sos tzentros minores, dende sustennu a sa presèntzia sighida de famillias cun figios in sos Comunes prus débiles dae su puntu de annotu demogràficu. Su contributu est dadu suta forma de assignu mensile:

- èuros 600 a su mese pro su primu figiu nàschidu, adotadu o dadu in afidu in antis de s'adotzione;
- èuros 400 a su mese pro ogni àteru figiu imbeniente.

Sa tzifra de su contributu est determinada a decurrere dae sa nàschida de su minore o dae s'insertadura in su nùcleu familiare durante su 2026 e cunforma a sos meses de residèntzia efetivos pro sos sugetos chi la trasferint in sos Comunes ogetu de giuamentu.

Su contributu est apostivigadu suta forma de assignu mensile, ma pro sas fratziones de mese o dies de sussistèntzia si cunfrontat totu sa tzifra de s'assignu a su nùmeru de sas dies de su mese: 30 o 31, pro sas dies de vida de su pitzinnu o de càmbiu de residèntzia (pro nàrrere unu pitzinnu nàschidu su 20 de làmpadas de su 2025 at a àere pro su primu mese unu contributu de € 220,00 (600,00: 30 dies x n. 11 dies).

1. Gestione de sa misura

S'acumprida de sa misura est intregada a sos Comunes, chi ammànant e pùblicant s'avisu, rezint e ammànant sas dimandas de sos nùcleos familiares, averiguant su possu de sos rechisidos, e puru chi sos datos decrarados dae sos interessados siant beros, cunforma a sas leges in vigèntzia in matèria. Averiguant, puru, sa residèntzia efetiva e chi su nùcleu familiare goset de sos servitzios locales, a garàntzia de sa punna sustanziale de sa misura, est a nàrrere promòvere s'istabilidade abitativa e s'arraighinamentu in sos territòrios a arriscu de minimadura de sa populatzione.

Sos contributos sunt dados a sos beneficiàrios dae cando sunt in sa disponibilidade finantziària de su comune, finas a cantu bastant sas resursas finantziàrias assignadas. S'erogatzione de s'assignu at a leare a cunsideru s'òrdine cronològicu de arrivu de sas dimandas, fata chi siat in antis sa verifca de su possu de sos rechisidos de atzessu prevididos, chi si divent àere pro totu sa durada de su gosu de su beneficiu.

Sas dimandas podent èssere presentadas a decurrere dae sa data de publicatzione de custu avisu e finas a su 30.01.2026 pro mèdiu de una de sas modalidades chi s'ghint:

a mèdiu de PEC a s'indirizzu: protocollo.bonorva@pec.comunas.it

a manu, in s'Ufitziu Protocollo de su Comune de Bonolva.

1. Publitzidade de s'Avisu

Custu avisu at a èssere publicadu, paris a su modellu de sa dimanda:

- In s'Albu Pretòriu de su Comune de Bonolva;
 - In su giassu istituzionale de s'ente www.comune.bonorva.ss.it

1. Controllu subra de sa veriditzzade de sas autotzertificatziones

S'Amministrazione, cunforma a s'art. 71 de su D.P.R. 445/2000, at a pòdere protzèdere a fàghere controllos idòneos, puru a campione, subra de sa veriditizidade de sas decraratziones resas dae sos beneficiarijos.

1. Responsàbile de su Protzedimentu

Sa Responsàbile de su Protzedimentu est sa Responsàbile de su Settore Sòtziu Assistenziale Dut.ra Giusi Popolla disponibile, in sos oràrios de abertura a su pùblicu, a sos cuntatos chi sighint:

Telèfono: 079867894 (int.3)

Mail: sociale@comune.bonorva.ss.it

1. Recursos

Contra a sos pruvimentos adotados dae su Comune est ammitidu recursu intro de su tèrmine de 30 dies dae cando b'est istada sa comunicatzione/publicatzione in su giassu istituzionale de su Comune de su resurtu de su protzedimentu.

1. Normas de rinviu

Pro cantu no est prevididu a manera ladina in custu Avisu Pùblicu si faghet rinviu deretu a cantu apostivigadu dae sas leges in vigèntzia e dae sas dispositziones regionales.

1. Tratamentu de sos datos personales

Su Comune de Bonolva, in calidade de titolare de su tratamentu, at a trattare sos datos personales cunfèrridos cun modalidade pro su prus informàticas e telemàticas, pro s'acumprida de sos còmputos pròpios de interessu pùblicu o semper e cando ligados a s'esertitziu de sos poderios pùblicos, includas puru sas finalidades de archiviatzione, chirca istòrica e anàlisi pro finalidades istatísticas. Sos datos ant a èssere tratados pro totu su tempus netzessàriu a sa congruida de su protzedimentu-protzessu o a s'acumpridade su servitziu-atividade rechesta e, posca a sa congruida de su protzedimentu-protzessu o sessada de su servitziu-atividade, sos datos ant a èssere remonidos cunforma a sas normas subra de sa remonida de sa documentatzione amministrativa.

Sos datos ant a èssere tratados solu dae su personale e collaboradores de su personale e collaboradores de su titolare e ant a pòdere èssere comunicados a sos sugetos designados a manera ladina comente responsàbiles de su tratamentu. A fora de custas ipòtesis sos datos no ant a èssere comunicados a àtere nen difusos, si no in casos prevididos a manera esplitzita dae su deretu natzionale o de s'Unione euròpea.

Sos interessados ant deretu de pedire a su titolare de su tratamentu s'atzessu a sos datos personales e sa retifica o sa cantzelladura de sos matessi o sa limitatzione de su tratamentu chi los pertocat o de s'opònnere a su tratamentu (artt. 15 e sighentes de su RGPD).

Sos interessados, si bi sunt sos presupostos, ant, puru, su deretu de pedire a su titolare de su tratamentu s'atzessu a sos datos personales e sa retifica o cantzelladura de sos matessi o sa limitatzione de su tratamentu chi los pertocat o de s'opònnere a su tratamentu (artt. 15 e sighentes de su RGPD).

Bonolva, 10.03.2026

Atividade finantziada cun sos fundos de sa L. 482/99, L.R22/18 acumprida dae s'operadora Lucia Sechi de s'isportellu linguisticu de Putumajore. Progetu Limba e Identidade III ann. 2025-2026-2027